

Posjeta općini Čapljina

08.02.2016 10:09



Predstavnici Federalne uprave za geodetske i imovinsko-pravne poslove direktor Željko Obradović, pomoćnik direktora Goran Brkić te direktor Uprave za geodetske i imovinsko-pravne poslove Hercegovačko-neretvanskog kantona Ivan Lesko posjetili su općinu Čapljina i održali sastanak s načelnikom općine dr. Smiljanom Vidićem i njegovim pomoćnikom za geodetske i imovinsko-pravne poslove Darkom Šimovićem. Tema razgovora bila je implmentacija projekta „Registracija nekretnina“ – RERP, uspostavljanje adresnog registra te određena imovinsko-pravna pitanja.

U Čapljini je realiziran pilot-projekt usaglašavanja katastarskih i zemljišnoknjižnih podataka, obnovljeni su i opremljeni uredi za općinsku katastarsku službu, a ubrzo se očekuje i obnova zemljišnoknjižnog

ureda.

U toku je usaglašavanje podataka za još četiri katastarske općine, čime će se ažurnost podataka o nekretninama u općini Čapljina znatno poboljšati.

Zahvaljujući donatorskom projektu „CILAP“, urađena je softverska aplikacija za adresni registar, a potom je uz sufinansiranje općine, kantonalne i federalne uprave za geodetske i imovinsko-pravne poslove urađen i projekt adresnog registra za teritoriji općine Čapljina. Sljedeći korak je donošenje potrebne odluke općinskog vijeća i realizacija projekta.

Istaknuto je zadovoljstvo saradnjom glede izvlaštenja za potrebe izgradnje autoputa na Koridoru Vc na teritoriji općine Čapljina.

Čapljina je općina s prepoznatljivom brigom o prostoru, a tačni i pouzdani podaci o nekretninama će stvoriti uslove za privlačenje investicija i brži privredni razvoj.